

տանէն հայոց նամակօք նմա տուեցեալ և կամ
ինքն վասն իւր տնկեցեալ:

Գ Լ ՈՒ Խ Մ Կ Ե .

Ամենայն զոր ոք քաղեսցի փայտ յանտառէ
իւրմէ, մի խլիցէ արմատ ծառոյն եթէ գուցէ
վասն յատկապէս բարութեան հանել հարկաւո-
ւորեսցի արմատն 'ի տեղւոյ նորա, պարտ է կամ
տնկել այլ ծառ, կամ վարել ցորեան, կամ տնկել
այգի, կամ շինել տուն զի երկիր մի մնասցէ
ամայի:

Գ Լ ՈՒ Խ Մ Կ Զ .

Ամենայն աղքատ կարող է մտանել ամե-
նայն անտառ եթէ տէրունի եթէ ժողովրդոց հա-
ւաքել թուփ, միրգ, մեղր, և ձու թռչնոց վասն
կարեաց իւրոց, մերթ հատուցանելոյ ոչինչ 'ի ոչ
ումեք:

Գ Լ ՈՒ Խ Մ Կ Է .

Ով ոք որ սպանիցէ առջ և գայլ որքան զը-
լուխ և առտ առջոյ և գայլից յանձնեն 'ի դրունս
իշխանի աշխարհին յայնմիկ 'ի տանէ հայոց շնոր-
հեսցեն նմայ ըստ իւրաքանչ զլսոյ մի դահեկան
երծաթ և զլուխն թաղեսցեն երկիր մնասցէ ներ-
քոյ պահակի երիս աւուրս: